

20.09.2022.

Grad Goražde, u okviru provedbe projekta „Novi pristup kreiranju radnih mjesta: Inovacijama ka prosperitetnom tržištu rada), a u skladu sa Sporazumom o implementaciji broj: 40371627/0 potpisanim sa Međunarodnom organizacijom rada (MOR) 24. marta 2022. godine u okviru LEP II projekta koji finansijski podržava Evropska unija, objavljuje:

JAVNI POZIV ZA NEZAPOSLENE OSOBE SA PODRUČJA BPK GORAŽDA

da se prijave za učešće u programu stručnog usavršavanja nezaposlenih osoba za zanimanja

"Mašinbravar" i "Zavarivač"

I

u cilju jačanja zapošljivosti na području BPK Goražde. Grad Goražde kao vodeći partner na projektu „Novi pristup kreiranju radnih mjesta: Inovacijama ka prosperitetnom tržištu rada“ (u daljem tekstu: Projekat), poziva nezaposlene osobe sa područja BPK Goražda, prijavljene na evidenciji Službe za zapošljavanje BPK Goražde, da se prijave za učešće u programu stručnog usavršavanja za zanimanja iz metalnog sektora, s ciljem sticanja znanja radi lakšeg pronalaska zaposlenja kod poznatog poslodavca, člana Lokalnog partnerstva za zapošljavanje Goražde, "TechVor Care" d.o.o. (TVC) Goražde.

II

Ovim Javnim pozivom će biti obuhvaćeno ukupno 75 nezaposlenih osoba za dva stručna zanimanja "Mašinbravar" i "Zavarivač". Stručno usavršavanje će provoditi Javna ustanova Srednja stručna škola „Džemal Bijedić“ Goražde koja posjeduje i provodi certificirane programe stručnog usavršavanja odraslih, u skladu sa Zakonom o obrazovanju odraslih a koji su objavljeni u „Službene novine BPK Goražde“, broj 7/22.

III

Obuka za polaznike je besplatna. Cjelokupan iznos troškova stručnog usavršavanja će biti obezbijeđen kroz Projekat. Polaznici obuke će potpisati Ugovor o obrazovanju, kojim se definišu obaveze strana potpisnica.

IV

Obuka će biti organizovana u skladu sa javno važećim programima za usavršavanje u zanimanju "Mašinbravar" i "Zavarivač". Obuka će trajati 250 nastavnih sati od čega 50 sati stručno-teorijske nastave koja će se odvijati u Kabinetu za obrazovanje odraslih Srednje stručne škole „Džemal Bijedić“, i praktična obuka u trajanju od 200 sati koja će se odvijati u proizvodnom pogonu kompanije "TechVor Care" d.o.o. Goražde.

Svi polaznici obuke koji budu uspješno ocijenjeni dobit će Uvjerenje o usavršavanju.

V

Opšti i posebni uslovi koji trebaju biti ispunjeni od strane kandidata:

1. Da je prijavljen na evidenciji Službe za zapošljavanje BPK Goražde, prije objave Javnog poziva (Prednost imaju dugoročno nezaposleni koji su registrovani na evidenciji Službe za zapošljavanje duže od 12 mjeseci i pojedinci sa otežanim mogućnostima za zapošljavanje,

uključujući one koji su uslijed posljedica pandemije COVID19 ostali bez posla);

2. Osobe sa završenom srednjom školom (III ili IV stepen) svih struka;
3. Kandidati trebaju biti stariji od 18 godina.

Ukoliko se putem Javnog poziva prijavi više kandidata nego što je definisano u odjelu II radna grupa koju će činiti predstavnici projektnih partnera će definisati prioritete koji će biti primjenjeni.

VI

Pozivamo sve zainteresovane da se prijave u prostorije Službe za zapošljavanje BPK Goražde, kancelarija br.4 i 5, svakog radnog dana u terminu od 9:00 do 14:00 radi evidencije, informativnog razgovora i pripreme za početak obuke.

Početak održavanja obuke planiran je u novembru 2022. godine.

Javni poziv ostaje otvoren 15 dana od dana objavljivanja ili do popune maksimalnog planiranog broja polaznika obuke.

Planirana obuka u Bosansko-podrinjskom kantonu Goražde je aktivnost koja je definisana u okviru saradnje Grada Goražde, JU Službe za zapošljavanje BPK Goražde, Privredne komore BPK Goražde, Udruženja poslodavaca BPK Goražde, Srednje stručne škole "Džemal Bijedić" Goražde, TVC d.o.o. Goražde, Udruženja za lokalne razvojne inicijative "ALDI" Goražde i Obrtničke komore BPK Goražde u okviru programa "Podrška Evropske unije lokalnim partnerstvima za zapošljavanje Faza II (LEP II), a koji je finansijski podržan od strane Evropske unije putem Međunarodne organizacije rada (MOR).